

Mōhiotanga Temepara o Kirikiriroa, Aotearoa



Wāhi: 509 Tuhikaramea Road, Temple View

Rā Tīmata mō ngā Whakahounga: 24 o Hūrae, 2018

Ko te Whare Tūwhera Tūmatawhānui:

26 o Ākuhata, 2022 ki te

17 o Hepetema, 2022

Whakatapunga Anō: 16 o Oketopa 2022

Rahinga Whenua: 14.164 heketea

Rahinga Whare: 4,204 mita pūrua

Teitei o te Whare: 47.5 mita mai i te

tomokanga ki te kōtihi o te koeko

Ngā Kaihoahoa Whare: Naylor Wentworth

Lund Architects, Te Pā Tote, Ūtā, Amerika

Kaikirimana: Westland Construction, Orem, Ūtā, Amerika

Ko te Temepara o Kirikiriroa, Aotearoa te temepara tuatahi i hangaia ai e Te Hāhi o Ihu Karaiti o Te Hunga Tapu i Ngā Rā o Muri Nei i te taha tonga o te Moana-nui-a-Kiwa. I whakapāohotia tēnā i te 17 o Pepuere, 1955, ā, i whakatapua i te 20 o Aperira, 1958 e te Tumuaki o te Hāhi a David O. McKay. I muri i ngā whakahounga maha, ka whakatapua anōtia i te 16 o Oketopa, 2022.

NGĀ ĀHUATANGA O WAHO

WHARE: Kāore he whakarerekētanga ki te pakitara raima tawhito o waho o te temepara i tēnei whakahounga. I hangaia ngā paraka i konā e ngā kaihanga whare tūturu, ko te nuinga o rātou he mihingare reipa i takohatia atu ō rātou taima ki tēnā mahi.

KARĀHE: Ā hitori nei, he kirimōhinu waikawa i tāngia a waho. I whakarauoratia tēnei momo karāhe tawhito i te whakahounga.

TAIAPA ME NGĀ ARA HĪKOI: Kāore i whakarerekētia te taiapa maitai me te raima e karapoti ana i te wāhi o te temepara i tēnei whakahounga. He raima, ā, he paraka raima tapawhā ngā ara hīkoi me te ātea matua o te temepara.

NGĀ ĀHUATANGA O ROTO

PAPA: Ko te nuinga o te whāriki i roto i te temepara, he taurira porohita kua rarangahia ki te ngaiaku pū kākāriki te tae. Kua hangaia e Bentley Mills ki California. Ko ngā whāriki i roto i te rūma Tikitiki o Rangi me te rūma hiringa, he ngaiaku pū kaho te tae, ā, kua raranga hoki e Bentley Mills. I whakahoahoatia ngā raka wūru i roto i te roro o te whare me te rūma wahine mārena e NWL Architects ki Te Pā Tote. Ko te pōhatu kua whakamahia mō te papa puta noa i te whare, he momo pākeho pū kōwhai kaho te tae e kīa nei ko te Butter Silk, i tākongakongatia i Parihitini.

TOI PAKITARA: I whakahoutia ngā toi pakitara tawhito i roto i te rūma rumaki me te rūma Tikitiki o Rangi i te whakahounga. I peitahia te toi pakitara i te rūma rumaki e Paul Forster i te tau 1957. Nā Dale Jolley te toi pakitara o te rūma Tikitiki o Rangi i peitahia i te tau 1993.

TOI WHAKARĀKEI: I takea mai ngā tauira mai i ngā tauira Māori kua whakamahia i roto i ngā mahi raranga, mahi whakairo koiwi me te whakairo rākau. I whakahoahoatia te tauira e NWL Architects ki Te Pā Tote, Ūtā.

NGĀ RAMA: He whakatōpūtanga ngā rama o te temepara e te metara me te karāhe matangongore, e te tioata rānei kua hangaia ki te tāera o te rautau waenga. I whakahoahoatia ēnā e NWL Architects ki Te Pā Tote, ā, i hangaia e Ciana Lighting o Heber City, Ūtā.

MAHI MIRA: Ko ngā hanganga mira me ngā hanganga rākau kua hangaia e te rākau oke o Victoria, ā, kua paku pūrikohia. I hangaia, ā, i whakauruhia e Fernlea Cabinetry & Joinery i Kirikiriroa.

PUNA RUMAKI: I whakahoutia te puna rumaki tawhito i te whakahounga. I hangaia te puna me ngā ōkiha ki Huioterangi, ā, he ōrite ngā pokepoke i whakamahia ai i te Temepara o Huioterangi. He kōuraura whakarākei ngā puringa, e rite ana ki ngā tauira puringa tawhito kua kitea i te temepara. Kua hangaia ngā puringa mō ngā arapiki e ārahi ana ki te puna rumaki e te kōuraura me ngā papa karāhe kua whakapikohia, ko ngā puringa e toro ana ki roto i te puna, kua hangaia e te maitai waikura-kore.

NGĀ TATAU ME NGĀ TAPUTAPU: Ko te tauira mō ngā taputapu o ngā tatau, he rau ponga whakaniko kua whakahoahoatia e NWL Architects i Te Pā Tote, ā, kua hangaia e Sopersmac o Aotearoa.

NGĀ PAKITARA: Ko te nuinga o ngā pakitara i roto i te temepara, kua uhia e te tapeha kia pai ai tōna tiakanga. Ko te nuinga, he kakano, he kaho me te koura te tae. He momo tauira e āhua rite ana ki te rau ponga kua whakanikonikohia nei kia whakaata atu i ngā tauira a te Māori. Ko ngā uHINGA o ngā pakitara, he taonga noa mai i ngā mira o Amerika. He toi pakitara tūturu ki ngā pakitara o te Rūma Tikitiki o Rangi, kāore i tangohia i te whakahounga o te temepara.

NGĀ TUANUI: Ko te nuinga o ngā tuanui i roto i te temepara, he momo poari kua peitahia, ā, kua whakapiri ki ngā taitapa maitai. He papatahi te nuinga o ngā tuanui, e whakaatu ana i te tūturutanga o te temepara tawhito. I ngā wāhi tino tapu o te temepara, he tauira toi, he mahi toi koura rānei kua peitahia ki te tuanui me ngā pokenga ukutea huri noa i te paenga o te tuanui.

